



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Francisci Xaverii E Societate Iesv Indiarvm Apostoli
Novarvm Epistolarvm Libri Septem**

Francisco <de Javier>

Romæ, 1667

Epistola V. Eidem.

[urn:nbn:de:hbz:466:1-46129](#)

E P I S T O L A V.

E I D E M .

Cariissime in Christo Frater: magno te-
neor desiderio tui videndi. & est quod
sperem è Dei benignitate, hujus compotem
voti me citò futurum. Interim nulla mihi
dies abit quâ te non videam in spiritu; nec
dubito quin tu quaque isto modo me visas:
ita ut mutuo continuè fruamur invicem con-
spectu. Te per quantum Deum amas, oro,
scribe mihi de te, de Christianis omnibus,
ut valetis, quid agitis, quo loco sint apud
vos omnia. Volo autem distinctè ac minu-
tim de singulis doceas. Expecto h̄c Pulam
à Travancore hac omnino h̄domade. nec
puto aliter futurum; quoniam ipse mihi
scripsit se intra id tempus affore. Quid qua-
ris? viget mihi animus alacri de Dei boni-
tate fiduciâ, extitum ex isto congressu
quidpiam quod ad aliquod ejusdem Dei Do-
mini Nostri obsequium pertineat. quidquid
ejus rei erit, statim ex me scies, ut Deo Do-
mino gratias agas. Scribo Patangatinis de
Tabernaculo ex ramis frondentibus excitan-
do.



do . Mihi videbatur commodum congregari mulieres in Ecclesiam Sabbato mane , sicut fit Manapare ; viros autem Dominicis diebus . tuo tamen arbitrio totum id permitto . Quando ut subvenias egestati cui- piam tuæ , voles ad Præfectum scribere , ne expectes ultimum articulum necessitatis , sed mature präoccupa monere , ut si quo erit opus Præfecto spatio , ad rem tibi necessariam curändam , tu non excrucieris , per illam moram , penuriâ urgente . de Ioanne Artiagâ scire per te velim ubi sit , & an Deo inserviat . multùm enim vereor ut perseveraturus in Dei obsequio sit , propter ejus inconstantiam quam nosti . Pater qui mecum est & ego benè valemus . Dic à me Puer Matthæo , ut perget bonus esse , ac voce contentâ in Catechismi scholâ reddat quæ tu eum docueris ; atque hæc ipsa decorè pronunciet . quando isthuc veniam , feram ipsi munuscum Festivum , quo , scio , accepto gaudebit plurimū . Scribe mihi ecquid Pueri currant ad simul recitandas Orationes statis horis : & quot ex ipsis eas rectè memoriâ teneant . Velim te in his & hujusmodi particulatim explicandis nec Chartæ nec verbis parcere . Literasque istas cupio

106 S. FRANCISCI XAVERII

cupio, cui primūm occurrēs huc venienti,
committi. Sit Dominus Tecum, ut esse me-
cum eum opto. Vale. Livare ix. Kal. Majas
An. CICICIV.

Tuus in Christo Amantissimus Frater.

Franciscus.

E P I S T O L A V I.

E I D E M.

Cariſſime in Christo Frater. Hoc primo
die Mensis Maij accepi literas à te,
quarum me lectio quām delectaverit, nun-
quam satis possem exprimere scribendo.
Ægrotaveram hisce diebus quaatuor aut quin-
que febre ardens continuā, eo spatio tem-
poris bis mihi secta vena est. nunc Dei be-
neſicio melius valeo. quin ipsam penè me-
moriam præteriti languoris, præſens ex fau-
ſis de te nuncijs lætitia delevit. Itaque
ſpero, Deo juvante, iturum me ad te Pu-
nicalem hebdomadā ſequenti. Pulam Tra-
vancoris hodie aut cras manē omnino ven-
turum credebamus. Cum iſtūc advenero,
quæ

